

**ZAPISNIK SA 04. SJEDNICE UO SAMOSTALNOG SINDIKATA RADNIKA U BHRT-u,
U MANDATU 2019-2023, KOJA JE ODRŽANA U UTORAK 30.07.2019. GODINE**

Prisutni: D. Smital; N.Tadić; Dž. Kahrica; M. Grbo; M.Herac; E. Fočo; E.Agić; J.Sogović; S.Gadžo; R.Kukić; M. Baručija; N. Arnautović; M. K. Pašalić

Odsutni: E. Čengić; O. Bukić; D.Miljević; S.Kavazović- **opravdano**

Dnevni red:

1. Zapisnik sa 03. sjednice UO sindikata
2. Aktuelna situacija u BHRT-u
- zaključci Podružnice IT centara
3. Članstvo u sindikatu
4. Finansije (D. Karšić)
5. Ugovori
- Adriatic
6. Dodjela pomoći (M.Herac, M. Baručija, R. Kukić)
7. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 04. sjednicu UO SSR u BHRT-u i predložio dnevni red, koji je jednoglasno usvojen. Zapisnik sa 03. sjednice UO sindikata je usvojen sa 11 glasova za i 1 suzdržanim.

AD 2. D.Smital je izvjestio UO da je rukovodstvo sindikata (D.Smital i Dž.Kahrica) održalo sastanak sa generalnim direktorom. Rečeno je da je u toku rješavanje problema prostora kod rampe za uposlenike sigurnosti kao i da je raspisan tender za nabavku rampe za parking. Kada je u pitanju ostavljanje ključeva službenih vozila u prostoru šefa smjene, rečeno je da podružnica pošalje zahtjev sa obrazloženjem. Tender za HTZ opremu je propao i sada je ponovno raspisan novi. Sindikat je dobio informaciju da je do sada napredovalo 35 ljudi RTV Produkcije, te da će u narednom periodu u paketu biti riješen problem napredovanja u IT centrima.

Povjerenik podružnice IT Centri je dostavio UO sindikata zahtjeve podružnice i zaključeno je da se do slijedeće sjednice UO pokuša dogovoriti održavanje sastanaka za RTV Produkciju i IT centre. Predloženi su slijedeći zaključci:

- da se dogovori sastanak predstavnika RTV Produkcije sa menadžmentom (zaključak sa 3. Sjednice),
- da se dogovori termin sastanka za IT centre, u koordinaciji sa članom UO iz te podružnice, po mogućnosti u jednom od IT centara.
- da ostale podružnice dostave svoje zahtjeve kako bi se pokušali organizovati zajednički sastanak za te Podružnice.

Zaključci su usvojeni jednoglasno.

AD 3. Na prijedlog rukovodstva sindikata, Upravni odbor je donio odluku o odbijanju pristupa u članstvo u Samostalni sindikat radnika u BHRT-u za Marka Radoju. Odluka je usvojena jednoglasno.

AD 4. Blagajnički izvještaj za juni 2019. godine je primljen k znanju.

AD 5. Adriatic izvještaj za juni 2019 je primljen k znanju.

AD 6. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec juli dobiju slijedeći članovi: Boris Pavlović 500 KM (III dio), Vesna Čosović 400 KM (I dio), Ramiza Ferhatbegović 300 KM, Badema Branković 300 KM. Ukupno 1500 KM.

Baby poklon bon DM-a u iznosu od 200KM je dobio Ashar Kurtović za rođenje djeteta.

Prijedlog komisije je jednoglasno usvojen.

AD 7. N.Tadić je istakla problem stolica za sve uposlenike i predložila da se napravi analiza unutar cijele kuće kada je ovaj problem u pitanju. UO Sindikata je usvojio jednoglasno zaključak da rukovodstvo sindikata na slijedećem sastanku sa menadžmentom zatraži rješavanje problema stolica, jer su one koje se sada koriste neuslovne za rad, kao i da se postavi upit o razlozima angažovanja dodatnog prijevoza.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital